

Rapport vun eiser Assemblée Générale vum 8ten Oktober 2015

Vum Comité waren présent : Simone Frank, Serge Schimoff, Danielle Thiry-Blang,
Manuela Reuter, Linda Chretien

Ufank : 19.00 Auer

Begréissung vun der Präsidentin an den Aktivitéitsbericht

Mir waren frou den Här Christnach, Direkter vum LIBM, d 'Madame Linster an d' Madame Weyer vum Proffecomité, den Schülercomité, eis aktiv Comitésmemberen, déi nei Memberen souwéi och déi interesséiert Elteren ze begrüessen.

D'Simone Frank huet den Aktivitéitsbericht 2014/2015 virgestallt den folgenden war :

Präsenz vun eisen Comitésmemberen am

- Conseil d'éducation
- Comité de sécurité
- Commission de restauration
- Projet d'établissement

Präsenz vun Comitésmemberen bei der Fapel

- Ausbildungsprogrammer
- Réuniounen an Seminaren
- Assemblée gen .Fapel

Subsiden

- SCHOOL'S CUP => 500 EURO
- SPOS => 500 EURO
- VOYAGE EDUCATIF OXFORD => 370 EURO
- VOYAGE EDUCATIF PARIS => 250 EURO
- REMISE DES PRIX => 300 EURO

Präsenz vun eisen Comitésmemberen

- op der Remise des prix an der Diplom Iwwerrechung
- Theaterowend
- Présentatioun Voyage éducatif Paris
- Portes ouvertes : Cafeteria
- Party Ljbm
- Alles op de Velo

Rapport vum Trésorier dem Här Serge Schimoff

Den Serge Schimoff huet eis sáin Keessebericht 2014/2015 präsentéiert, wou eisen aktuellen Stand sech op 7.442,27 Euro beleeft.

D' Revisoren hunn d 'Keess iwwerpréift an do war alles an der Rei.

D 'Assemblée konnt dem Caissier leider keng Décharge ginn well den Serge onsen Comité verleisst dodurch bedengt datt sein Meedchen net mei am Ljbm an der Schoul ass.

Doropshin sinn déi nei Memberen gefrot ginn an den Här Jorge De Sousa huet sech direkt bereed erklärt fir den Posten vum Trésorier ze iwwerhuelen. Dunn huet d'Assemblée him durch Klappen Décharge ginn.

Den Stand vun eisen aktiven Memberen am Comité

Nei Memberen fir den Elterecomité vum Lycée Josy Barthel sinn folgend:

Jorge De Sousa, Astrid Kontz-Krause, Claude Kontz, Eliane Krier-Scholler, Sabine Luxen, Elvire Olinger-Ferber, Bettina Vogel

D' Simone Frank huet den neien Memberen Merci gesot fir hiert Engagement dat se bewissen hun sech am Comité anzeschreiwen an domat Situatioun vum Elterecomité sichtlech verbessert hun. Den Comité huet eng flott a wichteg Aufgab am Déngscht vun der schoulescher Educatioun vun den Kanner an wichteg fir ee Mateneen a Fireneen am Lycée ze garantéieren, duerch den gudden Dialog téscht Proffecomité, der Direktioun an dem Elterecomité.

D'Assemblée huet durch Klappen déi nei Memberen begrüsst.

Si huet och den austriedenden Memberen Merci gesot fir hiert Engagement an virun allem dem Trésorier, dem Serge Schimoff, en ganz décken Merci fir seng excellent Arbecht.

Den aktuellen Stand vun aktiven Comitésmemberen beleeft sech elo op 11 Memberen:

Simone Frank, Danielle Thiry-Blang, Manuele Reuter, Linda Chretien, Jorge De Sousa, Astrid Kontz-Krause, Claude Kontz, Eliane Krier-Scholler, Sabine Luxen, Elvire Olinger-Ferber, Bettina Vogel

D'Wuert vun der Direktioun an dem Proffecomité

D 'Madame Linster vum Proffecomité an den Direkter, den Här Christnach hunn den austriedenden Memberen e ganz groussen MERCI ausgeschwat fir hier wäertvoll Aarbecht am Comité an si hunn och nach eng Kéier d' Wichtigkeet vun dem Elterecomité ënnerstrach an et wär och an hirem Sënn dat den Comité weider bestoen kann bleiwen an och si wëllen d' Elteren sensibiliséieren matzeschaffen . Dofir ginn Ziedelen vum Elterecomité vun den Regenten bei den Réuniounen ausgedeelt an den Elterecomité ass och jeweils bei den Réuniounen am Festsall vertraueden.

Den Här Christnach huet nach e puer allgemeng Informatiounen iwwert Schoul matgedeelt wei z.b. Buslignen vum Bridel, déi ugefroot ginn ass an déi an der Bearbeitung ass an och nach e puer Wuert iwwert Rentrée geschwaat, dei am allgemengen gudd verlaaf war.

De Proffecomité an och den Schülercomité hun och nach e puer Wuert zu hierer Arbecht gesot an och an Zesummenarbecht mat dem Elterecomité. Madame Linster huet nach den Projet d'établissement virgestallt wou och den Elterecomité mat vertraueden ass , genausou wei an der Commission de restauration, dem Conseil d'éducation, dem Conseil de sécurité.

D'Simone Frank huet den Invitéeën Merci gesot fir hiert Kommen. Den Här Christnach huet nach op en Patt invitéiert an sou ass den Owend flott ofgeschloss ginn.

Mir soen all eisen Memberen Merci fir hir Ënnerstëtzung.

Enn 21.00 Auer